



UNIVERSITETI POLITEKNIK  
Fakulteti i Teknologjisë së Informacionit  
Departamenti i Elektronikës dhe Telekomunikacionit  
Sheshi “Nënë Tereza”, Nr 1, Tiranë

---

**RREGULLORE E FUNKSIONIMIT DHE E PRANIMIT TË  
KANDIDATËVE  
NË PROGRAMIN E STUDIMIT  
*MASTER PROFESIONAL*  
NË  
*TEKNOLOGJI INFORMACIONI***

Tiranë, Janar 2017



UNIVERSITETI POLITEKNIK  
Fakulteti i Teknologjisë së Informacionit  
**Departamenti i Elektronikës dhe Telekomunikacionit**  
Sheshi “Nënë Tereza”, Nr 1, Tiranë

---

## **I. Të përgjithshme**

### **Neni 1**

Cikli i dytë i studimeve Master profesional në “Teknologji Informacioni”, është hapur për herë të parë në vitin akademik 2012 - 2013 me Urdhërin e Ministrit të Arsimit dhe Shkencës, Nr. 67, datë 12.02.2013, për *“Një ndryshim në Urdhërin Nr. 539, datë 09.11.2012, Për hapjen e disa programeve të studimit “Master Profesional” në Universitetin Politeknik të Tiranës, i ndryshuar”*

### **Neni 2**

Masteri Profesional në “Teknologji Informacioni”, ka për qëllim thellimin i njohurive të mara në sistemin e studimit Bachelor në Inxhinieri Elektronike dhe Telekomunikacioni, si dhe dhënien e njohurive të reja, për t’i pajisur studentët me njohuritë e nevojshme specifike në plotësim të nevojave të tregut të punës, të lidhura me teknologjitë e informacionit.

### **Neni 3**

Masteri Profesional në “Teknologji Informacioni”, është pjesë e studimeve të ciklit të dytë dhe është hapur pranë Departamentit të Elektronikës dhe Telekomunikacionit në Fakultetin e Teknologjisë së Informacionit, UPT.

### **Neni 4**

Masteri Profesional në “Teknologji Informacioni”, zhvillohet në ambientet e Fakultetit të Teknologjisë së Informacionit të Universitetit Politeknik të Tiranës.

## **II. Organizimi**

### **Neni 5**

Masteri Profesional në “Teknologji Informacioni”, realizohet në përputhje të plotë me statutin dhe rregulloren mësimore të UPT, rregulloren e brendshme të Fakultetit të Teknologjisë së Informacionit dhe drejtohet nga Departamenti i Elektronikës dhe Telekomunikacionit si njësi bazë e këtij fakulteti.

### **Neni 6**

Detyrat e Departamentit të Elektronikës dhe Telekomunikacionit janë:

- Paraqitja e programit të studimit për miratim në Senatin e UPT
- Përgatitja e planit mësimor
- Rishikimi i programeve mësimore
- Hartimi i strukturës mësimore
- Menaxhimi i të gjithë aktiviteteve mbështesë për mbarëvajtjen e programit të studimit



UNIVERSITETI POLITEKNIK  
Fakulteti i Teknologjisë së Informacionit  
**Departamenti i Elektronikës dhe Telekomunikacionit**  
Sheshi “Nënë Tereza”, Nr 1, Tiranë

---

**Neni 7**

Ambientet ku zhvillohet Masteri Profesional në “Teknologji Informacioni”, janë pranë Fakultetit të Teknologjisë së Informacionit, në korpusin universitar sheshi “Nënë Tereza”, si dhe pranë laboratorëve të Departamentit të Elektronikës dhe Telekomunikacionit.

**Neni 8**

Masteri Profesional në “Teknologji Informacioni” kryen të gjitha regjistrimet e veta nëpërmjet Sekretarisë Mësimore të Fakultetit të Teknologjisë së Informacionit.

**III. Pranimi i kandidatëve**

**Neni 9**

Në Programin e Studimit Master Profesional në “Teknologji Informacioni”, mund të regjistrohen vetëm personat që zotërojnë:

- I. Diplomë të Ciklit të Parë Bachelor (ose ekuivalente me të sipas kuadrit ligjor në fuqi) në Inxhinieri Elektronike ose Inxhinieri Telekomunikacioni, të fituar pranë Fakultetit të Teknologjisë së Informacionit, UPT, ose diploma të ngjashme të fituara në UPT ose jashtë saj. Ekuivalenca në këtë rast bëhet nga komisionet ad hoc që ngrihen nga departamenti;
- II. Njohja nga kandidati e një prej pesë gjuhëve të huaja të Bashkimit Europian: anglisht, frëngjisht, gjermanisht, italisht dhe spanjisht. Niveli i njohjes së gjuhës së huaj përcaktohet me akt nënligjor të ministrisë përgjegjëse të arsimit të lartë.

Pranimet bëhen sipas hapave më poshtë:

1. Regjistrohen fillimisht, sipas kërkesave dhe të renditur sipas mesatares së ponderuar të diplomës Bachelor, studentët që kanë diplomë Bachelor në Inxhinieri Elektronike ose Inxhinieri Telekomunikacioni, të fituar pranë FTI, UPT.
2. Nqs, pas pranimit të të gjitha kërkesave nga studentët që kanë diplomë Bachelor në Inxhinieri Elektronike ose Inxhinieri Telekomunikacioni, të fituar pranë FTI, UPT, ka ende kuota të lira, regjistrohen në vijim, sipas kërkesave dhe të renditur sipas mesatares së ponderuar të diplomës Bachelor, studentët e FTI që kanë diplomë Bachelor në Inxhinieri Informatike.
3. Nqs, pas plotësimit të pikës 2, të nenit 9, ka ende kuota të lira, regjistrohen në vijim studentët sipas diplomës Bachelor të fituar në UPT të renditur sipas mesatares së ponderuar të diplomës Bachelor.
4. Nqs, edhe pas plotësimit të pikës 3, të nenit 9, ka ende kuota të lira, regjistrohen në vijim studentët sipas diplomës Bachelor të fituar jashtë UPT, të renditur sipas mesatares së ponderuar të diplomës Bachelor.



UNIVERSITETI POLITEKNIK  
Fakulteti i Teknologjisë së Informacionit  
**Departamenti i Elektronikës dhe Telekomunikacionit**  
Sheshi “Nënë Tereza”, Nr 1, Tiranë

---

**Neni 10**

Tarifa e regjistrimit të kandidatëve është sipas kuadrit ligjor në fuqi dhe sipas detyrimeve që përcaktojnë rregulloret/urdhëresat e FTI/UPT. Kandidatët regjistrohen sipas procedurave të miratuara nga FTI/UPT.

**Neni 11**

Regjistrimet në Programin e Studimit Master Profesional në “Teknologji Informacioni” bëhen në zbatim dhe në përputhje me ligjet e Republikës së Shqipërisë dhe vendimet e udhëzimet e MAS. Ato kryhen pranë sekretarisë mësimore të Fakultetit të Teknologjisë së Informacionit.

**Neni 12**

Njohja e krediteve bazohet në rregulloren e Universitetit Politeknik të Tiranës.

**Neni 13**

Ne Programin e Studimit Master Profesional në “Teknologji Informacioni” kanë të drejtë të regjistrohen shtetas shqiptarë ose të huaj. Këta të fundit, duhet të përmbushin të gjitha detyrimet/kërkesat që rrjedhin nga legjislacioni përkatës në fuqi i Republikës së Shqipërisë dhe detyrimet/kërkesat që përcaktojnë rregulloret/urdhëresat e UPT/FTI.

**IV. Zhvillimi i aktiviteteve**

**Neni 14**

Programi i Studimit Master Profesional në “Teknologji Informacioni” zhvillohet me kohë të plotë. Ai zgjat një vit akademik. Gjatë vitit akademik të ndarë në dy semestra zhvillohen lëndët sipas programit mësimor të miratuar. Në semestrin e dytë zhvillohen gjithashtu praktika profesionale dhe mbrojtja e diplomës, mikrotezës, si punim i pavarur i studentit të Programit të Studimit Master Profesional në “Teknologji Informacioni”.

**Neni 15**

Gjuha në të cilën zhvillohet Programi i Studimit Master Profesional në “Teknologji Informacioni” është shqipe.

**Neni 16**

Leksionet zhvillohen në përputhje me orarin mësimor të aprovuar nga Dekani i FTI.

**Neni 17**

Kontrolli i dijeve në çdo modul bëhet nëpërmjet vlerësimit të detyrave të kursit, pjesmarrjes në laboratore dhe provës përfundimtare, provimit.

**Neni 18**

Masa e frekuentimit të leksioneve, seminareve dhe laboratorëve përcaktohet në rregulloren e UPT, si dhe në rregulloren e brendshme të FTI.



UNIVERSITETI POLITEKNIK  
Fakulteti i Teknologjisë së Informacionit  
**Departamenti i Elektronikës dhe Telekomunikacionit**  
Sheshi “Nënë Tereza”, Nr 1, Tiranë

---

**Neni 19**

Rezultatet e frekuentimit, provave përfundimare të moduleve dhe të mbrojtjes së mikrotezës regjistrohen në Sekretarinë Mësimore të Fakultetit të Teknologjisë së Informacionit.

**Neni 20**

Në përfundim të Programit të Studimit Master Profesional në “Teknologji Informacioni” studenti pajiset me diplomë të firmosur nga Dekani i Fakultetit të Teknologjisë së Informacionit dhe nga Rektori i UPT.

**Përgjegjësi i Departamentit**

**Prof. Asoc. Algenti Lala**